



ЧІНЪ ОУМОВЕНІА НОГЪ В ВЕЛІКІИ ЧЕТВЕРТОКЪ

Бывает литургіа Великаго Василя, во свое время по чину. По заамвонной же молитве архиерей оmyвает нóзе по чину сїце.

Исходит царскими двѣрьми из олтаря на архиерейское, идѣже облачается, место, никім поддержїмь, без посоха, а пред ним несет диакон Святое Евангелие да два диакона несут лахань и рукомойник сребряныя: и диакон полагает Святое Евангелие на аналогїи, между предних столпów поставленном. А в то время глаголют протопóp со священники псалом 50: Помилуй мя, Боже, по стихом, кóсно: а на месте поставляют иподїакони кресла, а не кафедру.

Архиерей же возшѣд на место, сядет в креслах, и поставляют пред ним скамейку, покрыту червчатým сукном, а на скамейку ставят лахань с рукомойником, полным воды, на котором положѣн запон кисейный да лѣнтион. А власти, кóим быти в чинѹ омовения, сидят во олтарѣ по своим местам постепенно.

И ко архиерею приходят протодиакон да диакон и приѣмлют благословение, и из олтаря выводят по два архимандрїта, или по два иереа (архимандриты же покланяются архиерею по чину) и посаждат на уготованном месте по степенем. А в то время певцы поют пятую песнь канона Великаго Четвертка.

Песнь 5, ирмос: Союзом любве связуеми апóстоли, Владычествующему всѣми, себѣ Христу возложше, красны нóги очищаху, благовествующе всем мир.

Неодержїмую держащая и превыспреннюю на воздусе воду, бездны обуздавающая н моря востязующая Бóжия Премудрость воду во умывальннцу вливает, ноги же оmyвает рабów Владыка.

Учеником показует смирения образ Владыка, óблакн облагаая нѣбо, препоясуется лѣнтием и приклоняет колѣно, рабów оmyвати нóгн, в Егóже руце дыханіе всех сущих.

Таж стихиры самогласны, умовѣния.

Глас 1:

Лѣнтием препоясавыйся и омывый но́ги ученико́в, Христѣ́ Божѣ, / омы́й ду́ши на́шея помысл и опоя́ши нас сою́зом духо́вным, // е́же творити за́поведи Твоея́ блага́сти.

Глас 2:

Вели́кое благодѣтельство пріяти хотя́ще, вѣрнии, / благоговѣ́нно честно́му умовѣ́нню притеце́м, / не плотску́ю скверну омыва́юще, / но ду́ши же та́йно освяща́юще. / Христос́ бо Спас наш, / призира́яй на зѣ́млю и творя́й ю́ трястѣ́ся, / приклоня́ет Самаго́ Себе́ и следам каса́ется брѣ́нным, / на всякую сопроти́вную силу твѣ́рдое да́руя находѣ́ние. / Тому́ благодарно возопи́ем: / изрядный возвы́шения путь показавый нам – смире́ние, // спаси́ нас, Бла́же, яко́ Человеколю́бец.

Глас 3:

Петр благоговѣ́яше омы́тнся нога́м / от Пречи́стых рук, и́миже со́здан бы́сть Ада́м: / услы́ша же: Аще не умы́ю тебе́, / не и́маши ча́сти со Мнóю. / Трѣ́петом мно́гим содержи́мь, вопия́ше Тебе́, / Господи: не то́кмо но́зе мой умы́еши, но и рúце и главу́. / О великих Влады́чных даро́в! / Общники творит блага́ти Сво́я ученики́ / и часть имѣти с ни́ми обеща́ет в неизрече́нной сла́ве, / я́коже и в Та́йной Ча́ши рече́, / но́вую сию́ пи́ти с ни́ми в Царствии Небѣ́снем, / ея́же и нас сподо́би, // яко́ ми́лостив и Человеколю́бец.

Глас 8:

Дне́сь Непрístupный существом де́ло раба́ восприя́т, лѣнтием препоя́сая, одева́яй не́бо о́блакн. Воду влива́ет во умыва́льницу, море Чермное пресека́й. И прикло́нь колѣ́на, начат омыва́ти но́ги ученико́в и отнрати лѣнтием, и́мже бе препоя́сан. Егда́ у́бо умы́ но́ги ученико́в, рече́ им: вы чи́сти есте́, но не вси, зна́менуя преда́ющего Его́.

Уне тебе́ бя́ше, Иу́до, а́ще не бы зачался еси́ во утробѣ ма́терни: у́не тебе́ бя́ше, преда́телю, а́ще не бы роди́лся еси́, отчужде́ние Сы́на Божия́: тебе́ ра́ди растерза́ся собра́ние учени́к Христовых́ и и́стинный виногра́д объѣмлет разбо́йник распина́емь: тобо́ю пресече́ся граде́ж, и храм нерукотворѣ́нный разоря́ют беззаконни́цы. Да а́ще ми́ро грѣшны́я почитал еси́, я́ко многоце́нное, ка́ко Пра́веднаго кровь рука́ма беззаконных́ преда́ти не ужасну́лся еси́? Уне ти бя́ше, преда́телю, а́ще не бы роди́лся еси́, отчужде́ние Сы́на Божия́.

Слава, и ныне: Дремáнием диáвольским содержímь Иúда, уснó в смерть. Врéмя бóдрствовати, врéмя трезвítися: да стенéт сéрдце, да слезя́т вéжди: псалом да поéтся. Вéдня бо крéпость Крестá. Христос при двéрех, жрéмая Пасха приíде. Слáва Тебе, Гóсподи, слáва Тебé.

И егда исполнится число дванадесяти учеников, архиерей повелевает единому диакону близ себе на месте стоя на правой стороне глаголати сктению: Миром Господу помолимся.

Возглашает архиерей: Яко Ты еси очищение душ наших, и Тебе славу возсылаем, Отцу и Сыну и Святому Духу, ныне и присно и во веки веков.

Клирицы же: Аминь.

Во время чтения вышеписанныя ектений архиерей и власти сядят на своих местех.

Потом востав един токмо архиерей велегласно глаголет молитву сию:

Боже Преблагий, непристóпный Божествóм, íже во зрáце рáбии служítеля образ восприéмый и, во изображéние спасítельного смирénия, ученикóв Твои́х нóги пречíстымá рукама Твои́ма омы́вый и лéнтием отры́й! При́зри и ны́не на нас недостóйных раб Твои́х, толи́каго Твоегó снизхождéния подража́ющих преслáвная, и сподóби плотскíх сквэрн измы́тися нам и душéвныя нечистоты́, вóды сея́ прикосновéнием. Даруй нам Пресвята́го Дúха невидимое на́йтие, утверди нас от блюду́щаго на́шу пýту зми́я льстíваго, да чíсти бýвше, послóжим благоприятно Тебé, верхú зми́ев и скорпíй и всея́ сýлы вра́жия преходя́ще.

Яко подобáет Тебе вся́кая слáва, чéсть и поклонéние, ныне и прísно и во веки векóв.

Клирицы: Амíнь.

Архиерей глаголет: Мир всем.

Протодиакон же: Главы́ ваша́ Гóсподеви приклонíte.

Архиерей глаголет тайно молитву сию: Господи Боже наш, показáвый нам меры смирénия в Твоем превысоком снизхождении, и последняго изволением перваго нарéк, облагодатí нас в служении друг другу, вознеси Божественным смирением, соблюди́ ны несквэрны, омы́ваемыя присно слезáми, очища́емы просвещением чистítельныя Твоея́ благодати: да истинною к Тебе всегда припада́ющее, обрящем милость и щедрóты на страшнем Твоем суди́щи.

Возглас: Яко милостив и Человеколюбец Бог еси, и Тебе славу возсылаем со Безначальным Твоим Отцем, и Всесвятым и Благим и Животворящим Твоим Духом, ныне и присно и во веки веков.

Клирицы же: Аминь.

Посем архиерей сядет в кресла своя, протодиакон же, приняв благословение у архиерея, сходит с места и, став против архиерея, возглашает тако:

И о сподобитися нам слышания Святаго Евангелиа Господа Бога молим.

Клирицы: Господи, помилуй. [Трижды.]

Паки возглашает протодиакон: Премудрость, прости, услышим Святого Евангелиа.

Архиерей глаголет: Мир всем.

Клирицы: И духови твоему.

Протодиакон начинает чести Святое Евангелие тако: От Иоанна Святаго Евангелиа чтение.

Клирицы: Слава Тебе, Господи, слава Тебе. **Протодиакон:** Вонмем. **Архиерей же и власти вси сядят. Протодиакон чтет:** Во время оно, ведый Иисус, яко вся даст Ему Отец в руке, и яко от Бога изыде, и к Богу грядет, встав с вечера [сию речь трижды глаголет] и архиерей встает. **Протодиакон глаголет:** И положи ризы Своя.

Архиерей же сам снимает с себе шапку и отдает диакону, потом снимает панагию и крест, и кладет на кресла, таже омофорий и саккос или ризу и полицу, и кладет на кресла, и никто ему не помогает. Протодиакон же чтет все едину речь: И положи ризы Своя, многжды, дондеже разоблачится: а диаconi стоят у места на нижнем степени. Пояса же, поручей и епитрахилия и подризника не снимает. И взем у диакона шапку, возлагает на главу сам. И прием запон, утверждает сопреди един конец за пояс, а другий опускает до ног. Таже приемлет лентион: а протодиакон в то время чтет: И прием лентион, препоясая. И архиерей препоясуетя, от левыя руки един конец мало опускает, а другий конец прекидываст от левыя же руки чрез спину на правое рамо, и конец лентиа полагает на левую руку. Протодиакон же чтет все сдину речь: И прием лентион, препоясая, дондеже архиерей препояшетя. Таже протодиакон чтет: Потомже вляя воду во умывальницу.

Архиерей же, взяв рукомойник с водою теплою, вливает в лахань крестообразно, малую часть, глаголя втай:

Во имя Отца и Сына и Святаго Духа. Аминь.

Протодиакон чтет вторично туюжде речь: Потомже вляя воду во умывальницу. **Архиерей же паки лиёт крестообразно. Таже протодиакон чтет третично туюжде речь:** Потомже вляя воду во умывальницу. **Архиерей же лиет третие крестообразно.**

Протодиакон чтет: И начат умывати ноги учеником и отирати лентнем, имже бе препоясан.

Архиерей идет с места своего ииким поддержимь, а лахань возьмут два диакона и несут пред ним: и начинает умывати ноги с начала от своего места сущих по левую страну до царских дверей, и от царских дверей рядом по правую страну до Симона Петра, преклоняся на землю на одно правое колено, возливая воду из лахани своею рукою на ногу трижды, омывает и отирает лентнем. И у котораго умьет ногу, тот целует архиереа в шапку и в руку. А архиерей того в руку же. Архимандриты же сядят в шапках. В то время протодиакон чтет все едину речь: **И начат умывати ноги учеником и отирати лентнем, имже бе препоясан.**

И егда архиерей умьет трием ноги, протодиакон чтет: Потом вляя воду во умывальницу. **Архиерей паки возьмет рукомойник и лиет воду в лахань по прежнему трижды крестообразно. Протодиакон чтет, якоже и прежде:** И начат умывати ноги учеником и отирати лентнем, имже бе препоясан. **Архиерей же паки омывает ноги еще трием. Сие бывает на четыре статьи.**

Егда умьет ноги единонадесяти, тогда приходит к первому архимандриту: и протодиакон чтет: Прииде же к Симону Петру, и глагола ему той: **Архимандрит, востав, глаголет:** Господи, Ты ли мой умьеши ноге? **Протодиакон чтет:** Отвещая Иисус и рече ему: **Архиерей глаголет:** Еже Аз творю ты не веси ныне, разумеши же по сих.

Протодиакон чтет: Глагола Ему Петр: **Архимандрит глаголет:** Не умьеши ногу моею во веки. **Протодиакон чтет:** Отвещая ему Иисус:

Архиерей отвечает: Аще не умью тебе, не имаша части со Мною.

Протодиакон чтет: Глагола Ему Симон Петр: **Архимандрит глаголет:** Господи, не ноге мой токмо, показуя свои руки: но и рuce, паки показуя рукою своею на главу, и главу, и сядет архимандрит.

Протодиакон чтет: Глаго́ла ему́ Иису́с:

Архиерей отвещает: Измовѣнный не требует то́кмо но́зе умы́ти: есть бо весь чист, и вы чѣсти естѣ, но не вси́.

И омывает ноги архимандриту.

По умовении же ног восходит архиерей на прежнее место, где разоблачашеся, никѣм поддержѣмь, а диаконы пред ним несут лахань с водою и поставляют на прежнем месте, на уготованной скамии. Возшед же на место, снимает с себе лентион и за́пон, а протодиакон дочитает Святое Евангелие си́це: Вѣдѣше бо предающаго Его́, сего́ ра́ди рече́: яко не вси чѣсти есте. **Клирицы:** Слава Тебе, Господи, слава Тебе.

Паки начинает протодиакон: Премудрость, прости, услышим Свята́го Ева́нгелиа, **и:** От Ио́анна Свята́го Ева́нгелна чтение, **и:** Во́нмем, **и чтет:** Во время о́но, егда́ умы́ Иису́с но́зе ученико́м, прѣят рѣзы Своя́: **Архиерей же облачается сам во все облачение прежнее, и никто ему не подает, а протодиакон чтет едину речь, прѣят ризы Своя, многажды, дондеже облачится, Таже протодиакон чтет:** Возлѣг пакн. **Архиерей сядет в креслах. Протодиакон чтет:** Рече им: **и подносит ко архиерею Святое Евангелие, Архиерей же, седѣя в креслах, дочитает Евангелие, власте́м всем в то время стоящым:**

Вѣсте ли что́ сотвори́х вам; вы глаша́ете мя учи́теля и Господа: и до́бре глаголете, есмь бо. Аще убо Аз умы́х ва́ши но́зе, Господь и учитель: и вы до́жни есте друг другу умывати но́зе. Образ бо дах вам, да якоже Аз сотвори́х вам, и вы творите. Аминь, аминь, глаголю вам: несть раб бо́лий Господа своего, ни посланник бо́лий пославшаго Его. Аще сия вѣсте, блаже́ни есте́, аще творите я.

И, прочтет, восстает и глаголет во услышание всем молитву сию:

Господи, Боже наш, иже по мнозей милости Твоей истощивый себѣ и зрак раба́ приѣмый, иже во вре́мя спасительныя и животворящия и вольныя твоя страсти вечерѣти изволивый со святыми Твоими ученики и апостолы, и посеем лѣнтием препоясавый Себе и умывый ноги учеников, образ дав им смиренномудрия и любви еже друг ко другу, и рекий: якоже сотвори́х вам, такожде и вы творите друг другу! Сам и ныне, Владыко, посреде недостойных рабов Твоих, иже Твоему образу последующих, пришед омый всякую скверну и нечистоту душ наших, да отмывшее прилепившийся нам от согрешений прах и лентием любви́ друг друга отершее, возможем благоугоди́ти Тебѣ вся дни́ живота нашего и обрести благодать пред Тобою.

Яко Ты еси благословляяй и освящяяй всяческая, Христе Боже наш и Тебе славу возсылаем, со Безначальным Твоим Отцем, и Всесвятым и Благим и Животворящим Твоим Духом, ныне и присно и во веки веков. Аминь.

Таже архиерей входит во святыи олтарь, и совершается служба по чину.

Чистый Четверг. Вечерня и Литургия св. Василия Великого.
Полное последование службы для мужского хора.

© Редакция и составление Г. Смирнова

Подворье патриарха Московского и Всея Руси
Храм Живоначальной Троицы в Останкино.

Москва, 2014